

10. Ille, splendentium decus, via a vatibus indicata progrediens, fulgebat per eos currus duces, veluti sol per *Bálakhilyas*.

11. Proficiscenti ei propter itineris longitudinem una mansio nocturna erat in VÁLMIKIS sylva sacra, cujus hinnulei ad currus sonum capita tollebant.

12. Vates honoravit juvenem, cujus equi defatigati erant, eximiis honoribus, castigationum suarum potestate comparatis.

13. Eadem nocte fratris uxor gravida duo filios peperit perfectos, veluti terra duo exercitus.

14. SUMITRIDES, nuntio de fratris sobole lætatus, mane vatem valere jubens, curru equis juncto profectus est.

15. Cum *Madhúpaghnam* urbem pervenisset, aggrediebatur KUMBHÍNASIS filius, qui ferarum copiam tanquam tributum a sylva acceperat.

16. Fumi instar niger, adipem olens, capillis flammarum instar rutilis, *Rákshasorum* caterva cinctus, apparebat ille veluti rogi flamma incedens.

17. LAKSHMANÆ frater LAVANAM hasta privatum adortus, viam ei præcluserat: nam iis, qui contra debilem pugnant, victoria propinqua est.

18. "Hodie ventris mei pastum haud valde abundantem videns creator, "timens quasi te mihi misit exoptatum!"

19. Ita SATRUGHNÆ minatus, *Rákshasus* illum occidere cupiens, altam arborem, ac si graminis culmus esset, evulsit.

20. Non vero arbor, a *Rákshaso* vibrata, SUMITRIDÆ sagittis acutis in medio discissa, corpus ejus attigit, sed florum pollen.

21. Arbore fracta *Rákshasus* magnum lapidem jecit in illum, quasi sejunctum mortis dei pugnum.

22. Quem SATRUGHNAS telo INDRAE sacro feriens, redegit in pulverem, ipsa arena minutiolem.

23. Tum adortus eum est noctivagus, brachio dextro elato, similis monti, una arbore prædito, quem ventus prodigiosus affert.

24. Hostis, cor sagitta KRISHNÆ sacra perforatus, terræ tremorem adduxit, eremitarum tremorem removit.